

中國方志叢書·華中地方·第八八五號

據

清·承霈修，社友棠、楊兆崧纂
清同治十年刊本

影印

江 西 省

新建縣志

(四)

成文出版社有限公司印行

新建縣志卷之三十

爵秩志

名宦

粵若我新建未肇版隸豫章實惟南昌昔在炎漢迄乎中葉時則有若梅福官南昌尉宣昭休問山川流蹟則亦有並時之人民罔或見思自時厥後用永地于茲新邑哲人其涖事寬而有制無有虐于而士易于而民丕綏惠于我邦惟民其禱之俾貽福于子子孫孫尙亦有榮哉凡我有官君子其永念無斁

吾子其永念無擇

卦又其輒之軒頤頤于于于利利尚亦育榮結凡姓育

六卦事實而育哺無育熟于而士長于而又不遜惠于姓

正部之人凡因夷只思自部烈烈用永此于茲祿邑晉人

永部開育昔縣縣官南昌縣官邱林問山限齋齋限衣育

昔昔姓姓未舉賦縣縣章寶掛南昌昔昔炎對立平中

國志志
合

世世志卷之三十

新建縣志卷之三十

爵秩名宦

漢

梅福字子真九江壽春人爲郡文學補南昌尉時成帝委任王鳳京兆尹王章以譏刺鳳死福上書不納居家常以讀書養性爲事至元始中王莽專政福一朝棄妻子去至今傳以爲仙其後人有見福於會稽者變姓名爲

吳門市卒云

漢書

省志

府志

按姚寬西溪叢語載福變姓名爲吳門市卒或云吳

門乃洪州今有吳門鎮

卽吳城

九江去亦不遠矣江城

名蹟亦述之又福有請封孔子後一疏文最明核舊

六朝

郭祖深襄陽人梁武帝時爲後軍參軍帝溺情內教朝政

縱弛祖深與觀詣闕上疏帝嘉其直擢爲豫章鍾陵令

員外散騎常侍

冊府元龜

唐

王邁天寶中爲南昌令有中官過洪州求取無厭邁欲按
之謀於權臯臯良久不答泣曰令何由致天子使而遽

欲治之掩面去邁悔厚謝之

唐書權皋傳

省志

府

五代

肅儼廬陵人幼舉童子科稍長爲秘書省正字烈祖初厯大理司刑部郎中元宗保大二年欲傳位於景遂儼上書力爭其後元宗於宮中作大樓臺近臣入觀皆歎其宏麗儼獨曰比景陽但少一井耳貶舒州副使俄召還後主嗣位與嬖佞奕棋儼入見作色投局於地後主詰之曰汝欲效魏徵耶儼曰臣非魏徵則陛下亦非太宗矣後主爲罷奕南唐亡以老病歸鄉卒年七十餘

馬令

南唐書

按李璟時儼由大理卿兼給事中謫南昌任旋復官
郡志楊志不以入名宦傳觀南唐書所載事實儼之
伉直規諷可與晏嬰汲黯比烈爲令視事當非陸陸
惜乎莫得而詳也

存舊

宋

何慈太平興國六年析南昌縣西境置新建縣首命慈爲
主簿領縣事慈擇地得南唐林仁肇故宅始創縣治在
任公恕民咸德之

省志

府志

楊志

孔延之字長源新淦人孔子四十六世孫鄉進士第一仁宗時知新建縣爲人寡言笑言若不能出口見義慷慨辨且彊劇切上官無所顧避

省志

臨江志

楊志

按省志延之由進士九遷至司封郎中平生與周敦頤友善在廣西寬恤民力舊賦糴於民歲至六百萬石程督與租稅等延之計歲糴二十萬而足欽廉雷三州蜚戶爲富人所役延之奪使自爲業者六百家皆著定令改荆湖北路提點刑獄罷鼎州六寨戍兵千餘人諸子並以文章顯世號臨江三孔

余靖字安道韶州曲江人少以文學稱鄉里起家進士爲
贛縣尉試書判拔萃科改將作監丞知新建縣遷秘書
丞言班固漢書舛謬命與王洙併校司馬遷范曄二史
書奏擢集賢校理范仲淹貶饒州廷臣莫敢言靖言仲
淹以刺譏大臣重被譴謫倘其言未合聖慮在陛下聽
與不聽耳安可以爲罪乎洎黯在廷指平津爲多詐張
昭論將以魯肅爲麤疎漢皇吳主熟聞訾毀兩用無猜
豈損令德疏入落職監筠州酒稅由是知名尋除右正
言擢知制誥與范仲淹尹洙歐陽修稱爲四賢又與歐陽

修王素蔡襄號爲四諫累官至工部尙書諡曰襄

宋史

廣東志

粵大記

省志

府志

楊志

黃巽字公權家鄱陽爲時聞人由進士尉宣州太平又參

虔州錄事令南劍州之順昌以秘書省著作佐郎知新

建縣事抑豪縱惠困窮守正循理得濟其志政暇取太

平興國六年至嘉祐三年爲令者三十九人名氏伐石

以書置諸壁間其母李太君教子有賢名迎養于官而

卒王安石爲之志銘

曾文定公集

王荊公集

黃幹字直卿閩縣人師朱紫陽熹紫陽以女妻之筮仕新

建丞是時建昌李燔辭大理司直添差江西轉運司幹辦與幹講學於東湖書院幹厯守漢陽安慶著有經解

文集歿諡文肅

宋史

府志

楊志

金安節字彥亨休寧人性穎悟日記千言博洽經史尤精

於易宣和中由太學擢第調新建簿紹興初范宗尹薦

爲勅令刪定官旋除司農丞遷殿中侍御史秦檜兄梓

知台州安節劾其附麗梁師成坐奪職檜銜之會丁母

憂去不出者十八年檜死起知嚴州除浙西提刑入爲

大理卿累官敷文閣學士卒贈少保通奉大夫開府儀

同三司

宋史

江南志

按江南志安節授新建簿高宗曰金安節好秀才若
加涵養有用才也

朱景文字元成清江人自幼讀書過目不忘經史百氏蒐
獵該貫爲文立就雄贍豪爽如其人登乾道進士調筠
州司戶後調分宜簿未赴而卒

臨江志

按朱景文所著有批鱗藁五十篇文集十卷其主新
建簿也省志傳內缺其官府志楊志兼逸其名

元

劉案字君疇至元間以宜黃丞奉檄攝龍興庾受米平斗
概無取於民參政胡漢卿時方爲寧州判官率其民以
賦上民無羨費吏無苛苦甚異之及尹新建漢卿爲參
政待之甚厚案居劇縣決訟如流上下莫敢易之

省志

府志

楊志

馬合末色目人至正閒任新建縣達魯花赤有佳政及滿
將去民不忍舍初邑有龔道源稱儒者沒後被人發塚
侵葬合末治其罪道源之徒凌雲標紀以詩詩曰碧梧
先生忠孝門楚龔清譽世所聞疾風吹塵暗九宇豈意

亡沒無兒孫墓田已被他人據惟有邱墓尙如故諸生
合力建嚴祠謂誰守之宜子壻狡焉竊發非人情中宵
啓葬驚先塋雍門鼓瑟尙涕隕野麇亂樹猶心驚清明
官府身馳訴大尹撫子如父母姦囂一訊無遁情朗月
照人心膽露令嚴不得留孤墳剗移易若風吹塵腐儒
無貲亦伸枉其稱大尹真神人大尹急流中砥柱師門
賴此終無負定知枯骨且銜恩豈有山靈愁失步大江
之右皆聞風治平第一如吳公清朝有詔催登庸繡衣
高冠馳青驄

凌雲標集

府志

楊志

澤字楚望其先資州內江人隨兄驥子官九江蜀亂不能歸因家焉生有異質慨然以明經學道爲志成宗大德中署江州景星書院山長己移洪州東湖書院受學者益衆嘗揭六經疑義千餘條以示學者初澤屢夢見夫子以爲適然旣而夢夫子手授所較六經字畫如新由是深有感發始悟曩昔所解多徇舊說爲非是乃作思古吟十章極言聖人德容之盛上達文武周公秩滿歸閉門授徒以養親不復仕

元史

楊志

明

丁之翰字季藩本縣人儼子幼從父授經穎悟絕人稍長精五經學有文名元末兵起時歲饑疫罄囊以贍姻族明初授本縣教諭遷進賢學性剛介不隨流俗造士以明體爲先徵爲主事以疾辭還職著潛夫集及編本府

圖志

省志

楊志

唐舟字汝濟瓊山人進士知新建縣事累除江西僉事降衢州府通判改御史所至多政績自題門帖云雪霜半染中年髮天地應知暮夜心

府志

李廷瑞字雲紀豐城人積學敦行爲時所重教諭新建廣

昌兩庠師範比於安定徙長南劍延平書院以母姜夫人春秋高辭不赴母歿廬墓有白蓮生廬前田畝中華葉蕃盛人皆歎異之

省志

府志

王來字原之慈谿人宣德閒以會試乙榜授新建縣學教諭上疏言寧府每祭祀取郡邑諸生備樂舞演習經句有妨學業宜以附近羽流充之不足則用護衛軍餘子弟禮部覆奏如議頒各王府著爲例設樂舞生自此始用薦擢御史巡按蘇松常鎮四府累官至南京工部尙

書

明史

省志

府志